

吉水縣志卷之三十一

吉水縣知縣長沙周樹槐

藝文志

賦

明

獅子賦有序

陳誠

臣聞聖人在上萬邦咸寧無有遠邇方物畢獻故麒麟
貢於九真龍馬來自渥洼已具載於古書昭明後世矣
洪惟聖朝太祖高皇帝開天立極君國子民廓萬禩之



丕基垂無疆之盛業鴻勳懋德奚可名言皇上聰明睿
智文武聖神繼承大統十有餘年嘉瑞駢臻異物咸薦
是皆聖德之潛孚和氣薰蒸之致也蓋二氣和而羣心
協近者悅則遠者來所以東盡扶桑西連絕域北窮朔
漠南極炎荒乾坤之所覆載日月之所炤臨凡有血氣
者莫不稽首稱藩奉琛執貢矣永樂癸巳春車駕幸北
京秋七月西域大姓酋長沙哈魯氏不遠數萬里遣使
來朝皇上推懷柔之德命中官臣達臣忠臣貴指揮臣
哈藍伯臣帖木兒卜花臣馬哈木火者行報施之禮且

命吏部員外郎臣陳誠典書記臣奉命惟謹以是年九月初吉戒行明年甲午春正月戊子發酒泉郡出玉門關道燉煌月氏經高昌車師之故地達蒙古回鶻之部落凡旌節所臨悉皆壺漿箪食迎勞惟勤是皆德化之流行致遠人之嚮慕也十月辛未至哈烈城沙哈魯氏仰華夏之休風戴聖朝之威德鞠躬俯伏重譯殷懃欲殫土地之所宜願效野人之芹獻乃集猛士大蒐山澤遂獲巨獸名曰獅子維以金繩載之巨檻三肅信使貢獻天朝非維遠物之是珍實表外夷之慕義也凡在臣

民不勝忻躍臣職司紀載躬踐遐陬敢不具述始終光
贊盛美謹拜手稽首而獻賦曰文明昭灼海寓肅清玉
燭順敘泰階砥平協天心而洽造化攷符瑞以驗休徵
故騶虞見乎郊藪神龜出於瑤京豈特靈芝嘉穀芬芳
馥郁醴泉甘露玉噴珠凝會見奇祥異瑞駟沓駢集玉
帛交至鳳鸞和鳴蓋由盛德之感召和氣之薰蒸是以
羣黎庶姓含哺而擊壤四方萬國梯海而來庭皇上遣
信使周八垓分玉節揚星旌駕舟車以遠涉極沙漠而
遐征踰瑤關其幾萬里閱金鏡其周三星廼窮絕域廼

扣邊城粵有酋長巉巖其形戍削風骨熒煌瞳睛若偃
蹇以倨傲亦天矯而崢嶸語言之左旋右廻動靜之條
昏忽明曰父子曰君臣其兄弟其賓親若蜂聚而蟻合
或犬鬪而羊爭伏聞天子之詔命舉皆業業而兢兢乃
鞠躬而效順亦露悃以摠情欲殫土地之所有將以效
野人之芹誠於是集蚩尤之徒羅弓矢緝網罟蒐山澤
行畋圍遂獲異獸非虎非貔晶晶瑤首濯濯金衣鋸身
鑿齒秀目長脰咆哮雷動迅走電馳封獠爲之辟易獬
獬爲之躩踞爪拏雲其踣鐵尾宰地其垂絲視虎狼於

織粟啗牛羊若醯雞馴伏則夷吾可馭奮怒雖賁育莫
羈羣毛讓長百獸所司何西土之能畜亦中國之攸宜
蓋嘗於繪事而睹像比類彷彿而叅差彼或流形於釋
氏有非名教之所知此則耳目之聞見爲神物其奚疑
乃命僕臣繫之載之爰遣信使獻於京師抑斯獸也古
典可稽一名白澤是卽狻猊又謂白虬識龍伏狸若麟
似虺搏象裂犀閱今所獻於性則奇純而馴伏俯首而
低垂似有神靈之默相夫豈人力之所爲衆莫窺其神
妙實感戴乎聖天子之德威也原夫上古之時龍馬出

於河洛神羊生於帝墟越裳遠獻白雉歸爲指南之車
肅慎方貢楮矢書示荒服之初彼岐陽之鳴鳳與渥洼
之神駒尚流芳於簡策仍紀載乎詩書雖世代之更易
於事體則同符願鑄像於鼎彝願勒名於版圖非惟遠
物之是寶懋昭聖德之遐敷俾萬姓稽首百辟懽呼微
臣昧死敢罄狂愚復拜手稽首而謹歌之歌曰我皇撫
運兮厯數在躬守成繼統兮允執厥中百辟卿士兮寅
亮天工班班濟濟兮風虎雲龍黎民醇厚兮於變時雍
雨暘順叙兮財物阜豐華夷一統兮車書攸同堯舜比

德兮湯武侔功嘉祥畢集兮賢俊登崇聲教誕敷兮蠻
夷伏從本根深固兮枝葉葱蘢千秋萬禩兮福祿無窮
天長地久兮相爲始終

黃鸚鵡賦

周敘

龍樓峙兮崢嶸扶桑曉兮晶熒偉靈鳥之珍異鳴聖世
之治平質瓊奇而焜耀性辯慧而通明茲其稟中央之
正色拔倫類而挺生方其滇陽毓秀坤厚淪精冲融鬱
勃塊圠薰蒸藹純黃之章采蘊土德之華英匪元匪縹
匪黑匪頰粲金衣兮燁煜絢菊裳兮輕盈吻露丹砂之

色目炫明珠之睛晃雲儀霞彩以相耀豈綠衣翠衿之
足稱文鴛遇之而駭矚錦綵覲之而訝驚邇乃辭遠繳
凌太清挾鸞鵠擁鴈鵬鵠並鴉鵲鵲鵲鵲鵲鵲鵲鵲鵲
款款翳翳紛廻翔以後翼聿並鵲鵲而前迎朝舉衡嶽久
底薊城盼故巢於絕巘振雲翮於神京於斯時也乾清
坤寧聖作物亨奇祥異瑞駢臻沓呈麒麟騶虞之屢至
白鳥元兔之交并斯鳥也亦追隨於先後而獲獻其技
能於是周旋綺戶栖息朱甍絡以黃金之錠承以雕玉
之檠轉圓吭而瀏亮吐華語而清冷噤噤噤噤噤噤噤噤

嚶鵲鷦爲之屏息鵲鵲因之歛聲爾其承寵眷沐光榮
隨機宛轉顧影娉婷向虞廷而率舞感簫韶於九成啄
金桃兮鮮麗飲甘露兮芳馨雖同儕於羽族固殊智而
異形彼皎皎雪衣之素號班班五色之佳名並載稱於
往牒徒眩異以示矜詎若此釋然之奇產足爲昭代之
嘉禎固將媲美乎九苞之紫鳳巢阿閣而合鳴也

詩

南唐

送王郎中之官吉水

李建勲

南望廬陵郡山連五嶺長吾君憐遠俗從事輟名郎移
戶多無土春蠶不滿筐惟應勞贊畫溪峒況強梁

吉水春暮訪蔡文慶處士

隴西李中

無事無憂鬢任蒼濁醪閑酌送韶光溟濛雨過池塘暖
狼籍花飛硯席香好古未嘗疎典冊懸圖時要看瀟湘
戀君清話難留處歸路迢迢又夕陽

吉水縣依韻酬華松秀才見寄

官况蕭條在水村吏歸無事好論文枕欹獨聽殘春雨
夢去空尋五老雲竹徑每憐和蘚步禽聲偏愛隔花聞

詩情冷淡知音少獨喜江臯得見君

宋

寒食憶江南

彭齊

四度逢寒食江南身未還二親青草塚三月子規山
榆柳藏新火松楸病故關東風兩行淚原上夕陽間

寄題沙溪寶錫

碑本院作積

歐陽修

爲愛江西物物佳作詩嘗向北人誇青林霜日換楓葉
白水秋風吹稻花釀酒烹鷄留醉客鳴機織苧徧山家
野僧獨得無生樂終日焚香坐結跏

贈先輩楊純師之任永康

劍峯雲棧未嘗行
圖畫曾看已可驚
險若登天懸鳥道
下臨無地瀉江聲
折腰莫以微官耻
爲政須通異俗情
況子多才兼美行
薦章期卽達承明

題吉水南華寺

安福劉弇

紫翠浮浮奪曉昏
生涯谷汲與松焚
客塵一點自應少
終日到門惟白雲

龍濟寺訪友雲禪師

涪州蘓軾

舍舟江岸望峻嶒
路險巾車御漫勝
天上樓臺山上寺

雲邊鐘鼓月邊僧四時光景吟無盡一點紅塵到不能
信步吾師行履處朗然破暗一禪燈

寄南岡寺惟信大師

分寧 黃庭堅

草深丈許落花紅正令行時絕異同背觸俱非無敢犯
鋒鋦不露有誰通掀翻窠臼全收放賣盡風流患啞聾
曾向黃龍簷下過種來毒氣滿虛空

上已訪楊廷秀賞牡丹於御書扁榜之齋其東園
僅一畝爲街者九名曰三三徑意象絕新

周必大

楊監全勝賀監家賜湖豈比賜書華回環自斲三三徑
頃刻常開七七花門外有田聊伏臘望中無處不煙霞
卽慙下客非摩詰無畫無詩只謾誇

楊廷秀秘監萬花川谷中落花甚多光榮俚語叙

謝

萬花川谷第芳菲也許湘靈媵伏妃翠葉迎風牽荇帶
紅綃浴日濕宮衣共船不妬龍陽釣警乘猶疑洛渚飛
誰把荒園一魚目換將五十六珠歸

乙卯楊廷秀訪平園卽事

言才集卷之三十一
乘興不回安道舟銷憂同倚仲宣樓莫嫌四面酸風射
猶勝三場瀋汗流

次韻楊廷秀待制二首

某思規層宇欲屈故人落之乃未許枉駕先貽二詩
曲盡登臨之勝遂成絕唱謹次原韻其前自敘其後
敬簡因致一來一往之意

十年不侍殿東頭臨水登山隱者流一眼瞳方無異相
三層句曲有危樓幸殊王粲非吾土何事龐公不入州
至後臘前天欲雪扁舟乘興肯來不

官府新辭上界仙，碧瑤洞口晉桃源。
默存常在清都境，歸去休無靖節園。
爲問龍樓并鳳閣，何如佚老及平原。
明年大作南溪社，會訪拾遺花柳村。

喜楊廷秀秘監再入館

山陰陸游

公去蓬山輕公歸，蓬山重錦囊三千篇。
字字律呂中文章，實公器當與天下共。
吾嘗評其妙如龍馬，受鞚燕許亦有名。
此事恐未夢，嗚呼大厦傾孰可任。
梁棟願公力起之，千載傳正統。
時時醉黃封，高詠追屈宋。我如老蒼鶻，寂寞愁獨弄。
杖屨勤來遊雪霽，梅欲動。